

საჯარო სამართლის იურიდიული პირი – საჯარო რეესტრის ეროვნული სააგენტო

სატენდერო დოკუმენტაცია
კონდიციონერების და კონდიცირების სისტემის შეკეთებისა
და ტექნიკური მომსახურების შესყიდვა
გამარტივებული ელექტრონული ტენდერი

წინამდებარე სატენდერო დოკუმენტაცია შედგენილია „სახელმწიფო შესყიდვების შესახებ“ საქართველოს კანონის და სახელმწიფო შესყიდვების სააგენტოს თავმჯდომარის 2011 წლის 7 მაისის №9 ბრძანებით დამტკიცებული „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის“ შესაბამისად.

ქ. თბილისი
ივლისი 2011 წელი

სატენდერო დოკუმენტაცია

სარჩევი

1. A ინსტრუქტაჟი გამარტივებულ ელექტრონულ ტენდერში მონაწილეობის მისაღებად ----	3-5
2. B საკვალიფიკაციო მოთხოვნები -----	5-6
3. C ტექნიკური დავალება -----	6
4. D შესყიდვის ობიექტის მიწოდების ვადები და ადგილი -----	6
5. E სატენდერო წინადადების ფასის დაანგარიშების წესი -----	6
6. F ანგარიშსწორების პირობები -----	6
7. G პრეტენდენტის მიერ წარმოსადგენი ტექნიკური დოკუმენტაცია -----	6-7
8. (I) დამატებითი ინფორმაცია -----	7
დანართი №1 შესასყიდი მომსახურების ფასთა ცხრილის ფორმა -----	8
დანართი №2 სახელმწიფო შესყიდვის შესახებ ხელშეკრულების პროექტი -----	9-13
დანართი №3 - აფიდავიტი (საილუსტრაციო ფორმა) -----	14

A ინსტრუქტაჟი გამარტივებულ ელექტრონულ ტენდერში მონაწილეობის მისაღებად

გამარტივებული ელექტრონული შესყიდვა, როგორც თქვენთვის ცნობილია, ტარდება სახელმწიფო შესყიდვების ერთიანი ელექტრონული სისტემის (შემდგომში – სისტემა) მეშვეობით.

გამარტივებული ელექტრონული ტენდერის გამოცხადებისთანავე, თქვენ გეძლევათ საშუალება გაეცნოთ სატენდერო განცხადებას და სატენდერო დოკუმენტაციას. სატენდერო წინადადების მიღება იწყება წინადადების მიღების ვადის დასრულებამდე 2 დღით ადრე.

სატენდერო წინადადების წარდგენისათვის: პირველ რიგში, პრეტენდენტი უნდა დარეგისტრირდეს სისტემაში. შემდეგ, იგი ვალდებულია გაეცნოს აფიდავიტს და დაეთანხმოს მას (გაცნობას და თანხმობას ადასტურებს სისტემის მეშვეობით).

ამის შემდეგ, იგი ვალდებულია ჯერ წარმოადგინოს სატენდერო წინადადების უზრუნველყოფის გარანტია, ხოლო შემდეგ გადაიხადოს ტენდერში მონაწილეობის საფასური. აღნიშნული მოქმედებები განხორციელდება ელექტრონულად, სისტემის მეშვეობით. როგორც სატენდერო წინადადების უზრუნველყოფის გარანტიის, ასევე საფასურის მიმღები არის სახელმწიფო შესყიდვების სააგენტო. თუ სისტემის ავტომატური საშუალებები ტენიკურად არ არის გამართული პრეტენდენტი სატენდერო წინადადების უზრუნველყოფის გარანტიის დედანს და საფასურის გადახდის დამადასტურებელ დოკუმენტს წარუდგენს შემსყიდველ ორგანიზაციას.

სატენდერო წინადადების უზრუნველყოფის გარანტია უნდა იქნას წარმოდგენილი სატენდერო განცხადებაში მითითებული სავარაუდო ღირებულების 1 პროცენტის ოდენობით. ტენდერში მონაწილეობის საფასური შეადგენს 50 ლარს.

სატენდერო წინადადების უზრუნველყოფის გარანტია არ ექვემდებარება დაბრუნებას შემდეგ შემთხვევებში:

ა) თუ პრეტენდენტი უარს აცხადებს მის მიერ წარმოდგენილ სატენდერო წინადადებაზე,

ბ) თუ პრეტენდენტი შეეცვანია მიმწოდებელთა შავ სიაში შესაბამისი შესყიდვის განხორციელების შედეგად

გ) პრეტენდენტი იქნა დისკვალიფიცირებული შემდეგი მიზეზების გამო: წარმოდგენილი საკვალიფიკაციო მონაცემების დამადასტურებელი დოკუმენტები არ შეესაბამება სატენდერო დოკუმენტაციით გათვალისწინებულ მოთხოვნებს, წარმოდგენილი საკვალიფიკაციო მონაცემების დამადასტურებელი დოკუმენტები წარმოდგენილია დადგენილი წესების დარღვევით, პრეტენდენტმა უარი განაცხადა ხელშეკრულების დადებაზე, ხელშეკრულების დადების უფლების მოსაპოვებლად პრეტენდენტმა ჩაიდინა არაკეთილსინდისიერი ქმედება.

მას შემდეგ, რაც ზემოაღნიშნულ ქმედებებს განახორციელებთ, თქვენ უფლება გაქვთ სისტემის მეშვეობით წარადგინოთ სატენდერო წინადადება.

სატენდერო წინადადების წარდგენა გულისხმობს პრეტენდენტის ტექნიკური დოკუმენტაციას ატვირთვას და სატენდერო წინადადების ფასის ელექტრონულად მიეთითებას სისტემაში. პრეტენდენტის ტექნიკურ დოკუმენტაციაში აუცილებლად უნდა შედიოდეს ის დოკუმენტები და იმ ფორმით როგორც არის მოთხოვნილი სატენდერო დოკუმენტაციით პრეტენდენტის ტექნიკური დოკუმენტაციისთვის, ასევე შეიძლება შედიოდეს ნებისმიერი დოკუმენტი რომელსაც პრეტენდენტი ჩათვლის საჭიროდ.

პრეტენდენტი პირველ რიგში ატვირთავს ტექნიკურ დოკუმენტაციას, რაც შესაძლებლობას მისცემს მას ელექტრონულად მიუთითოს ფასი სისტემაში. სატენდერო წინადადების ფასის მითითებისთანავე თქვენ უფლება გაქვთ მიიღოთ მონაწილეობა ელექტრონულ ვაჭრობაში, რომელიც იყოფა ძირითად დროდ და დამატებით სამ რაუნდად.

ძირითად დროში უფლება გაქვთ ცვალოთ თქვენი ფასი, კლესადობის პრინციპის გათვალისწინებით და შემსყიდველის მიერ განსაზღვრულ ბიჯზე არანაკლები ოდენობით.

დამატებითი რაუნდების თითოეულ რაუნდში პრეტენდენტს უფლება აქვს მხოლოდ ერთხელ შეამციროს წინადადების ფასი, რისთვისაც განესაზღვრება ორი წუთი. დამატებით რაუნდებში მონაწილეობა სავალდებულო არ არის და პრეტენდენტს უფლება აქვს მონაწილეობა არ მიიღოს მათში. ძალაში რჩება მის მიერ დამატებითი რაუნდების დაწყებამდე დაფიქსირებული საბოლოო ფასი.

დამატებით რაუნდებში მონაწილეობის მიღების უფლება აქვთ მხოლოდ იმ პრეტენდენტებს, რომლებმაც ძირითად დროში წარადგინეს წინადადება დადგენილი წესით. პირველ რაუნდში, პრეტენდენტები მათ მიერ ძირითად დროში წარდგენილ ფასებს ცვლიან რიგ-რიგობით. რიგითობა განისაზღვრება ძირითად დროში პრეტენდენტების მიერ წარდგენილი ფასების კლესადობის მიხედვით. პირველ რაუნდში ბოლო შეთავაზებას აკეთებს ძირითად დროში დაფიქსირებული ყველაზე დაბალი ფასის მქონე პრეტენდენტი. ყოველ მომდევნო რაუნდში ფასების წარდგენის რიგითობა განისაზღვრება წინა რაუნდში დაფიქსირებული ფასების მიხედვით, კლესადობის პრინციპით ანუ ყოველ მომდევნო რაუნდში ბოლო შეთავაზებას აკეთებს ის პრეტენდენტი, რომელმაც წინა რაუნდში ყველაზე დაბალი ფასი დააფიქსირა.

მას შემდეგ, რაც დასრულდება დამატებითი რაუნდები, სისტემა პრეტენდენტებს აჯგუფებს სატენდერო წინადადებების ფასების მიხედვით. ამის შემდეგ შემდეგ შემსყიდველი ორგანიზაციის მიერ მოწმდება ყველაზე დაბალი ფასის მქონე პრეტენდენტის მიერ წარმოდგენილი ტექნიკური დოკუმენტაცია.

იმ შემთხვევაში თუ პრეტენდენტის ტექნიკური დოკუმენტაცია არ შეესაბამება სატენდერო განცხადებით და სატენდერო დოკუმენტაციით გათვალისწინებულ მოთხოვნებს, შემსყიდველი ორგანიზაცია ასეთ პრეტენდენტს განუსაზღვრავს სამ დღიან ვადას შეუსაბამობის გასწორებისთვის. დაუშვებელია სატენდერო წინადადების ისეთი დაზუსტება რომელიც არსებითად ცვლის მას ან გავლენას ახდენს წინადადების ფასზე. ამ შემთხვევაში ხდება პრეტენდენტის დისკვალიფიკაცია.

თუ პრეტენდენტის სატენდერო წინადადება შეესაბამება სატენდერო განცხადებისა და სატენდერო დოკუმენტაციის მოთხოვნებს, შემსყიდველი ორგანიზაცია მიმართავს მას წარმოადგინოს საკვალიფიკაციო მონაცემების დამადასტურებელი დოკუმენტები. მიმწოდებლის ვალდებულებები საკვალიფიკაციო მოთხოვნების დამადასტურებელი დოკუმენტაციასთან და მათ წარმოდგენასთან დაკავშირებით მითითებულია სატენდერო დოკუმენტაციაში.

პრეტენდენტის მიერ საკვალიფიკაციო მონაცემების დამადასტურებელი დოკუმენტების წარმოდგენილობის ან/და ხარვეზის მქონე მონაცემების წარმოდგენის შემთხვევაში, ხდება მიმწოდებლის დისკვალიფიკაცია. ასეთ შემთხვევაში, შემსყიდველი ორგანიზაციას უფლება აქვს მიმართოს ყველაზე დაბალი ფასის მქონე მომდევნო პრეტენდენტს, წარმოადგინოს საკვალიფიკაციო მონაცემების დამადასტურებელი დოკუმენტები, თუ მისი ტექნიკური დოკუმენტაცია შეესაბამება სატენდერო განცხადებასა და სატენდერო დოკუმენტაციაში ასახულ მოთხოვნებს. თუ მომდევნო ყველაზე დაბალი ფასის მქონე პრეტენდენტის წინადადების ფასი ბაზარზე შეცვლილი გარემოებების შედეგად მნიშვნელოვნად აღემატება დისკვალიფიცირებული პრეტენდენტის ფასს ან/და ამ შესყიდვის ობიექტის საბაზრო ფასს, სატენდერო კომისიას უფლება აქვს შეწყვიტოს ტენდერი.

იმ შემთხვევაში, თუ ყველაზე დაბალი ფასის მქონე პრეტენდენტი ყველა ზემოთხსენებულ ეტაპს წარმატებით გაივლის. ამ პრეტენდენტის მიერ საკვალიფიკაციო მონაცემების წარმოდგენიდან 5 დღის ვადაში შემსყიდველი ორგანიზაცია მასთან დებს სახელმწიფო შესყიდვის შესახებ ხელშეკრულებას.

B საკვალიფიკაციო მონაცემების დამადასტურებელი დოკუმენტები

2. საკვალიფიკაციო მოთხოვნების თანახმად, პრეტენდენტმა უნდა წარმოადგინოს შემდეგი დოკუმენტები:

2.1. მეწარმე იურიდიული პირისათვის და ინდივიდუალური მეწარმისათვის:

ა) ცნობა შესაბამისად უფლებამოსილი ორგანოდან, რომ არ მიმდინარეობს გადახდისუუნარობის საქმის წარმოება.

ბ) ამონაწერი მეწარმეთა და არასამეწარმეო (არაკომერციული) იურიდიულ პირთა რეესტრიიდან.

გ) ცნობა მეწარმეთა და არასამეწარმეო (არაკომერციული) იურიდიულ პირთა რეესტრიიდან რომ არ ზორციელდება იურიდიული პირის რეორგანიზაცია ან ლიკვიდაცია.

დ) ცნობა შესაბამისად უფლებამოსილი ორგანოდან ბიუჯეტთან ანგარიშსწორების თაობაზე.

ე) ცნობა ბანკიდან ფინანსური მდგომარეობის შესახებ:

ცნობა ბანკიდან სასურველია შეიცავდეს შემდეგ ინფორმაციას:

1. პრეტენდენტის საბანკო ანგარიშზე არსებული ნაშთის შესახებ;

2. ბანკის მიმართ არსებული დავალიანების შესახებ;

თუ პრეტენდენტი არის უცხო ქვეყნის მეწარმე სუბიექტი მან უნდა წარმოადგინოს შესაბამის ქვეყანაში გაცემული, ლეგალიზაციით ან აპოსტილით დამოწმებული დოკუმენტი, რომელსაც თან უნდა დაერთოს სათანადო ნოტარიული წესით დამოწმებული ქართული თარგმანი.

2.2. საჯარო სამართლის იურიდიულმა პირებისთვის:

ა) საჯარო სამართლის იურიდიული პირის შექმნის შესაბამისი ნომატიული დოკუმენტაცია და დებულება

ბ) ცნობა შესაბამისად უფლებამოსილი ორგანოდან ბიუჯეტთან ანგარიშსწორების თაობაზე.

2.3. ფიზიკური პირებისათვის

ა) ნასამართლობის შესახებ ცნობა შესაბამისად უფლებამოსილი ორგანოდან, რომელითაც დასტურდება, რომ პირი არ არის ნასამართლევი საქართველოს სისხლის სამართლის კოდექსის შემდეგი თავებით გათვალისწინებული დანაშაულებისთვის: თავი XXVI დანაშაული სამეწარმეო ან სხვა ეკონომიკური საქმიანობის წინააღმდეგ და თავი XXXIX სამოხელეო დანაშაული.

ბ) პირადობის მოწმობის ან პასპორტის მოწმობის ასლი.

საკვალიფიკაციო მონაცემების დამადასტურებელი დოკუმენტების წარმოდგენა პრეტენდენტის მიერ უნდა მოხდეს შემსყიდველი ორგანიზაციის მოთხოვნით გათვალისწინებულ გონივრულ ვადაში, მაგრამ არაუგვიანეს ხუთი დღისა მოთხოვნიდან.

საკვალიფიკაციო მოთხოვნების დამადასტურებელი, ადმინისტრაციული ორგანოებიდან გასაცემი დოკუმენტები გაცემული უნდა იყოს, ტენდერის გამოცხადების (სტატუსი – „ტენდერი გამოცხადებულია“ გამოცხადების) შემდეგ.

3 (C) ტექნიკური დავალება

3. შესყიდვის ობიექტის დასახელება, აღწერილობა, მოცულობა

3.1. შესყიდვის ობიექტია კონდიციონერების და კონდიცირების სისტემის შეკეთებისა და ტექნიკური მომსახურება.

3.2. კონდიციონერების და კონდიცირების სისტემის შეკეთებისა და ტექნიკური მომსახურების სახეობები, მათი აღწერილობები და მოცულობები განისაზღვრება სატენდერო დოკუმენტაციით განსაზღვრული ფასთა ცხრილის ფორმის (დანართი №1) შესაბამისად.

3.3. ყოველ ჯერზე გასაწევი მომსახურების სახეობა და მოცულობა განისაზღვრება შემსყიდველი ორგანიზაციის შესაბამისი მოთხოვნით.

4 (D) შესყიდვის ობიექტის მიწოდების ვადები და ადგილი

4.1. შესყიდვის ობიექტის მიწოდება უნდა განხორციელდეს შემსყიდველი ორგანიზაციის ყოველი მოთხოვნიდან 3 სამუშაო დღის ვადაში, ხელშეკრულების ძალაში შესვლიდან 2011 წლის 31 დეკემბრის ჩათვლით არსებული პერიოდის განმავლობაში.

4.2. კონდიციონერების და კონდიცირების სისტემის შეკეთებისა და ტექნიკური მომსახურება უნდა განხორციელდეს შემყიდველი ორგანიზაციის ცენტრალური და ტერიტორიული სამსახურების ოფისებში, საქართველოს ტერიტორიის მასშტაბით, შემსყიდველი ორგანიზაციის მოთხოვნის შესაბამისად.

5 (E). სატენდერო წინადადების ფასის გაანგარიშება

5.1. პრეტენდენტის მიერ შეთავაზებული სატენდერო წინადადების ფასი უნდა გაანგარიშებული იყოს შემსყიდველი ორგანიზაციის მიერ განსაზღვრული ფასთა ცხრილის ფორმის (სატენდერო დოკუმენტაციის დანართი №1) შესაბამისად მიმწოდებლის მიერ შედგენილი და წარმოდგენილი ფასთა ცხრილით.

5.2. პრეტენდენტის მიერ შეთავაზებული სატენდერო წინადადების ფასი უნდა ითვალისწინებდეს წინამდებარე სატენდერო დოკუმენტაციის მე-3 პუნქტით გათვალისწინებული მომსახურების გაწევისათვის საჭირო ყველა ხარჯს, მათ შორის შეკეთების და ტექნიკური მომსახურებისთვის საჭირო ნაწილების, მასალების ღირებულებებს და საგადასახადო კოდექსით გათვალისწინებულ ყველა გადასახადს.

6 (F) ანგარიშსწორების პირობები

შემსყიდველი ორგანიზაციის ყოველი მოთხოვნის საფუძველზე გაწეული მომსახურების ღირებულება მიმწოდებელს აუნაზღაურდება, შესაბამისი მიღება-ჩაბარების აქტის საფუძველზე, შესაბამისი საგადასახადო ანგარიშ-ფაქტურის წარმოდგენიდან არაუგვიანეს 15 სამუშაო დღეში.

7 (G) პრეტენდენტის მიერ წარმოსადგენი ტექნიკური დოკუმენტაცია

7.1. პრეტენდენტმა უნდა წარმოადგინოს შესაბამისად უფლებამოსილი პირის მიერ ხელმოწერილი დოკუმენტი, რომლითაც განისაზღვრება სატენდერო წინადადების მოქმედების ვადა, რომელიც არ უნდა იყოს 30 დღეზე ნაკლები, რომლის ათვალაც დაიწყება მის მიერ სატენდერო წინადადების სიტემაში ატვირთვის დღიდან.

7.2. პრეტენდენტმა უნდა წარმოადგინოს ფასთა ცხრილი შემსყიდველი ორგანიზაციის მიერ განსაზღვრული ფასთა ცხრილის ფორმით (სატენდერო დოკუმენტაციის დანართი №1) და მის შესაბამისად.

7.3. პრეტენდენტმა უნდა წარმოადგინოს დოკუმენტი რომელითაც გამოხატავს თანხმობას სატენდერო დოკუმენტაციით განსაზღვრულ ანგარიშსწორების პირობებზე.

7.4. პრეტენდენტმა უნდა წარმოადგინოს შესაბამისად უფლებამოსილი პირის მიერ დამოწმებული ინფორმაცია პრეტენდენტი მეწარმე სუბიექტის სამართლებრივ-ორგანიზაციული ფორმის, ხელმძღვანელობის და წარმომადგენლობის უფლების მქონე პირის, სახელწოდების, იურიდიული მისამართის, ადმინისტრაციის ფაქტობრივი მისამართის, საბანკო რეკვიზიტების, საიდენტიფიკაციო კოდის შესახებ. ფიზიკური პირის შემთხვევაში პირადობის მოწმობის ასლი.

7.5. სახელმწიფო შესყიდვების ერთიან ელექტრონულ სისტემაში ატვირთული ყველა დოკუმენტი ან/და ინფორმაცია წარმოდგენილი უნდა იქნეს ქართულ ენაზე, დოკუმენტების ან/და ინფორმაციის უცხოურ ენაზე წარდგენის შემთხვევაში, მათ უნდა დაერთოს ნოტარიულად დამოწმებული ქართული თარგმანი.

7.6. სახელმწიფო შესყიდვების ერთიან ელექტრონულ სისტემაში პრეტენდენტის მიერ ატვირთული ტექნიკური დოკუმენტაციის ყველა დოკუმენტი ან/და ინფორმაცია მისი სახელით ხელმოწერილი იყოს უნდა მეწარმეთა კანონის მე-9 მუხლში განსაზღვრული ხელმძღვანელობის უფლების მქონე პირების მიერ. თუ ხელს აწერს სხვა პირი წარმოდგენილი უნდა იყოს ამ პირის წარმომადგენლობითი უფლებამოსილების დამადასტურებელი სათანადოდ გაფორმებული დოკუმენტი.

7.7. შემსყიდველ ორგანიზაციას წარედგინება ელექტრონული გარანტიის დედანი და საფასურის გადახდის დამადასტურებელი დოკუმენტი, ელექტრონული გარანტიის წარდგენისა და საფასურის გადახდის სისტემაში არსებული ავტომატური საშუალებების დროებითი ტექნიკური გაუმართაობის შემთხვევაში.

- პრეტენდენტს არ აქვს უფლება წარმოადგინოს ალტერნატიული წინადადება.

8 (I) დამატებითი ინფორმაცია

სატენდერო კომისია საკუთარი ინიციატივით ან ტენდერში მონაწილეობის მსურველის წერილობითი თხოვნით აზუსტებს ტენდერთან დაკავშირებულ ინფორმაციას სატენდერო წინადადებების მიღების დაწყებამდე.

ტენდერში მონაწილეობის მსურველთა ტენდერთან დაკავშირებული ინფორმაციის დაზუსტების მოთხოვნის უფლება აქვთ სატენდერო წინადადებების მიღების დაწყებამდე.

სატენდერო დოკუმენტაციასთან დაკავშირებით დამატებითი ინფორმაციის მიღება პრეტენდენტს შეუძლია სატენდერო კომისიის აპარატში, მისამართზე: ქ. თბილისი წმინდა ნიკოლოზის/ნ. ჩხეიძის ქ.-№2 (საჯარო რეესტრის ეროვნული სააგენტო). ტელეფონი: 910517 შიდა-7058 საკონტაქტო პირი – შესყიდვების სამსახურის იურისტი - თენგიზ ჯუღელი

ფასთა ცხრილი

№	კონდიციონერების და კონდიციონერების სისტემის სარემონტო და ტექნიკური მომსახურება	რაოდენობა	ერთეულის ღირებულება	საერთო ღირებულება
1	კონდიციონერის მონტაჟი (ჭანჭიკებით, თვითმჭრელებით, ქანჩით, სადრენაჟე მილით და სადენების საფარით)	20		
2	კონდიციონერის რთული მონტაჟი (2 და მეტი კედლის გახვრეტა, მაკავშირებელი მაგისტრალის გაყვანა 3 მეტრზე ზევით. ჭანჭიკებით, თვითმჭრელებით, ქანჩით, სადრენაჟე მილით და სადენების საფარით)	8		
3	დემონტაჟი	50		
4	შიდა ბლოკის გაწმენდა (რადიატორი, ვენტილიატორი, სადრენაჟე სისტემა)	10		
5	ფრეონის დამატება-დატუმბვა (რ-22) 100 გრ	50		
6	ფრეონის დამატება-დატუმბვა (რ-410-407) 100 გრ	50		
7	კომპრესორის ან სარქველის შეცვლა	1		
8	კონდიციონერის ელექტრო ნაწილების შეცვლა- შეკეთება	5		
9	შედულება	10		
10	პლათის შეკეთება	10		
11	მაკავშირებელი კომპლექტაცია 1 მეტრი 9000- 12000 ბტუ	40		
12	მაკავშირებელი კომპლექტაცია 1 მეტრი 18000- 24000 ბტუ	30		
13	გარე ბლოკის სადგამი	10		
14	ამწე-კალათი (მომსახურება 1 საათი)	5		
15	ამწე-კალათი (ყოველი მომდევნო საათი - 1 საათი)	9		
	ჯამი			

მიმწოდებლის სახელწოდება -----

უფლებამოსილი პირის ხელმოწერა -----

სახელმწიფო შესყიდვის შესახებ ხელშეკრულების პროექტი

წინამდებარე ხელშეკრულების პროექტის დებულებები, გარდა სატენდერო დოკუმენტაციით გათვალისწინებული აუცილებელი პირობებისა, არ არის სავალდებულო. ისინი ზუსტდება გამარჯვებული პრეტენდენტის სატენდერო წინადადების საფუძველზე. გამარჯვებულ პრეტენდენტთან მოლაპარაკების შედეგად მიღწეული შეთანხმებით შეიძლება დაზუსტდეს წინამდებარე ხელშეკრულების პროექტის დებულებები ისე, რომ არ ეწინააღმდეგებოდეს სატენდერო წინადადებას და სატენდერო დოკუმენტაციაში ასახულ სავალდებულო პირობებს.

ქობილისი

წ.

იმის გათვალისწინებით რომ, შემსყიდველი ორგანიზაციის მიერ გამოცხადებულ გამოცხადებულ გამარტივებულ ელექტრონულ ტენდერში გაიმარჯვა ----- სატენდერო წინადადება,

აღნიშული სატენდერო წინადადების საფუძველზე,

ერთის მხრივ, საჯარო რეესტრის ეროვნული სააგენტო, (შემდგომში – შემსყიდველი ორგანიზაცია), წარმოდგენილი მისი შესყიდვების სამსახურის უფროსის ლაშა მერაბიშვილის სახით და მეორეს მხრივ, „-----“ (შემდგომში - მიმწოდებელი), წარმოდგენილი მისი დირექტორის ----- სახით, ვხელმძღვანელობთ რა „სახელმწიფო შესყიდვების შესახებ“ საქართველოს კანონის და საქართველოში მოქმედი სხვა კანონმდებლობით, ვღებთ წინამდებარე ხელშეკრულებას შემდეგზე:

I. ხელშეკრულების საგანი

- 1.1. ხელშეკრულების საგანია მომსახურების (შემდგომში – შესყიდვის ობიექტი) შესყიდვა.
- 1.2. მომსახურების შესყიდვა გულისხმობს მიმწოდებლის მიერ წარმოდგენილი ფასთა ცხრილით (დანართი №1) გათვალისწინებული, კონდიციონერების და კონდიციონერების სისტემის შეკეთებისა და ტექნიკური მომსახურების შესყიდვას.

II. შესყიდვის ობიექტის ღირებულება

- 2.1. შესყიდვის ობიექტის საერთო ღირებულება განისაზღვრება მიმწოდებლის მიერ წარმოდგენილი ფასთა შესაბამისად და შეადგენს ----- ლარს, შესყიდვის ობიექტის მიწოდებისათვის საჭირო ყველა ხარჯს და საქართველოს კანონმდებლობით დადგენილ ყველა გადასახადს.

III. შესყიდვის ობიექტის მიწოდების ვადები და ადგილი

- 3.1. შესყიდვის ობიექტის მიწოდება უნდა განხორციელდეს შემსყიდველი ორგანიზაციის ყოველი მოთხოვნიდან 3 სამუშაო დღის ვადაში, ხელშეკრულების ძალაში შესვლიდან 2011 წლის 31 დეკემბრის ჩათვლით არსებული პერიოდის განმავლობაში.

3..2. კონდიციონერების და კონდიციონერების სისტემის შეკეთებისა და ტექნიკური მომსახურების გაწევის ადგილია შემყიდველი ორგანიზაციის ცენტრალური და ტერიტორიული სამსახურების ოფისების საქართველოს მასშტაბით.

IV. შესყიდვის ობიექტის მიღება-ჩაბარების წესი

შესყიდვის ობიექტი ჩაითვლება მიღებულად მისი ფაქტობრივი მიწოდებისა და შესაბამისი მიღება-ჩაბარების აქტის გაფორმების შემდეგ.

V. ანგარიშსწორების ფორმა, ვადა და ადგილი

5.1. მიმწოდებელთან ანგარიშსწორება განხორციელდება ლარებში, „საჯარო რეესტრის შესახებ“ საქართველოს კანონის საფუძველზე მიღებული შემოსავლებით.

5.2. შემსყიდველი ორგანიზაციის ყოველი მოთხოვნის საფუძველზე გაწეული მომსახურების ღირებულება მიმწოდებელს აუნაზღაურდება, შესაბამისი მიღება-ჩაბარების აქტის საფუძველზე, შესაბამისი საგადასახადო ანგარიშ-ფაქტურის წარმოდგენიდან არაუგვიანეს 15 სამუშაო დღეში.

5.3. ანაზღაურების ადგილია ქ.თბილისი.

VI. მხარეთა უფლება-მოვალეობანი

6.1. შემსყიდველი ორგანიზაცია და მიმწოდებელი მოქმედებენ საქართველოს კანონმდებლობის სრული დაცვით.

6.2. შემსყიდველი ორგანიზაცია ვალდებულია:

6.2.1. ხელშეკრულებით გათვალისწინებული პირობების შესაბამისად აუნაზღაუროს მიმწოდებელს შესყიდვის ობიექტის ღირებულება;

6.3. შემსყიდველ ორგანიზაციას უფლება აქვს:

6.3.1. განახორციელოს კონტროლი და ზედამხედველობა მიმწოდებლის მიერ ხელშეკრულების პირობების დაცვაზე.

6.3.2. მოსთხოვოს მიმწოდებელს მიწოდებული შესყიდვის ობიექტის შემოწმების შედეგად გამოვლენილი წუნის აღმოფხვრა.

6.4. მიმწოდებელი ვალდებულია:

6.4.1. მიაწოდოს შემსყიდველ ორგანიზაციას შესყიდვის ობიექტი ხელშეკრულებით გათვალისწინებული პირობების შესაბამისად;

6.4.2. შესაბამისი წერილობითი შეტყობინების მიღებიდან 2 (ორი) სამუშაო დღეში აღმოფხვრას მიწოდებული შესყიდვის ობიექტის შემოწმების შედეგად გამოვლენილი წუნი შემსყიდველი ორგანიზაციის მხრიდან რაიმე დამატებითი დანახარჯების გაწევის გარეშე.

6.4.3. შესყიდვის ობიექტის მიწოდებისას აცნობოს შემსყიდველ ორგანიზაციას ყველა განსაკუთრებული გარემოების შესახებ;

6.5. მიმწოდებელს უფლება აქვს:

6.5.1 მოსთხოვოს შემსყიდველ ორგანიზაციას შესყიდვის ობიექტის ღირებულების ანაზღაურება ხელშეკრულებით გათვალისწინებული პირობების შესაბამისად.

VII. ხელშეკრულების ინსპექტირების პირობები

ხელშეკრულების ინსპექტირებას განახორციელებს შემსყიდველი ორგანიზაციის შესაბამისად უფლებამოსილი პირი.

VIII. მხარეთა პასუხისმგებლობა ხელშეკრულების პირობების დარღვევისას

8.1. მხარეები პასუხს აგებენ ერთმანეთის წინაშე მათ მიერ ამ ხელშეკრულებით ნაკისრი ვალდებულებების შეუსრულებლობის ან არაჯეროვნად შესრულებისათვის საქართველოს მოქმედი კანონმდებლობის შესაბამისად.

8.2. თუ ხელშეკრულების ერთი მხარე ხელშეკრულებით გათვალისწინებულ ვადაში არ ასრულებს მის მიერ ნაკისრ ვალდებულებას, მეორე მხარე წერილობითი ფორმით უწესებს მას დამატებით ვადას ვალდებულების შესრულებისათვის.

8.3 ხელშეკრულების ერთი მხარის მიერ დამატებით ვადაში ვალდებულების შეუსრულებლობის შემთხვევაში, მეორე მხარეს უფლება აქვს ცალმხრივად ვადაზე შეწყვიტოს ხელშეკრულების მოქმედება.

8.4. ხელშეკრულების მხარეს, მის მიერ წინამდებარე ხელშეკრულებით ნაკისრი ვალდებულების შესრულების ვადის გადაცილების შემთხვევაში, დაეკისრება პირგასამტეხლო ყოველ ვადაგადაცილებულ დღეზე შესაბამისი ვადაგადაცილებული ვალდებულების ღირებულების 0.3 პროცენტის ოდენობით.

8.5. თუ ხელშეკრულების ერთი მხარისთვის დაკისრებული პირგასამტეხლოს ჯამური თანხა გადაჭარბებს ხელშეკრულების ჯამური ღირებულების 3 (სამი) პროცენტს, მეორე მხარეს უფლება აქვს ცალმხრივად შეწყვიტოს ხელშეკრულების მოქმედება.

IX. ფორს-მაჟორული სიტუაციები

9.1. მხარეები პასუხისმგებელი არ არიან თავიანთ ვალდებულებათა შეუსრულებლობაზე, თუ ის გამოწვეულია ისეთი გარემოებებით, როგორიცაა: საომარი მოქმედებები, წყალდიდობა, ხანძარი, მიწისძვრა, სხვა სტიქიური მოვლენები, აგრეთვე წინასწარ გაუთვალისწინებელი, აუცდენელი, მხარეების ნებისგან დამოუკიდებელი ობიექტური გარემოებები, რომლებიც უშუალო ზემოქმედებას ახდენენ ხელშეკრულების შესრულებაზე.

9.2. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ.

9.3. თუ ფორს-მაჟორული გარემოებების გამო სახეზეა მხარის მიერ ვალდებულების დროებითი შეუსრულებლობა, იგი უგზავნის წერილობით შეტყობინებას მეორე მხარეს ასეთი გარემოებების და ვალდებულების შესრულების შეუძლებლობის ხანგრძლივობის შესახებ. თუ მეორე მხარე არ დათანხმდა ვალდებულების შესრულების ვადის გაგრძელებაზე, მას უფლება აქვს შეწყვიტოს ხელშეკრულების მოქმედება.

X. ხელშეკრულების პირობების გადასინჯვა

10.1. ხელშეკრულების პირობების შეცვლა დაუშვებელია, თუ ცვლილებების შედეგად იზრდება ხელშეკრულების ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ამ შემთხვევებშიც ხელშეკრულების ღირებულება შეიძლება გაიზარდოს ხელშეკრულების ღირებულების 10 პროცენტის ფარგლებში.

10.2. ხელშეკრულებაში ცვლილებების და დამატებების შეტანა შესაძლებელია მხარეთა თანხმობის შემთხვევაში. ნებისმიერი ცვლილება და დამატება, ამ მუხლის 10.1. პუნქტის გათვალისწინებით, ხელშეკრულებაში შეიძლება შეტანილ იქნეს მხოლოდ წერილობითი ფორმით გაფორმებული შეთანხმების სახით, რომელიც ჩაითვლება ხელშეკრულების განუყოფელ ნაწილად.

XI. ხელშეკრულების მოქმედების ვადა

ხელშეკრულება ძალაშია 2011 წლის ----- და მოქმედებს 2011 წლის -----
----- ჩათვლით.

XII. ხელშეკრულების მოქმედების შეწყვეტა

12.1. ხელშეკრულება ავტომატურად წყვეტს მოქმედებას თუ გავიდა ხელშეკრულების მოქმედების ვადა.

12.2. ხელშეკრულება შეიძლება შეწყდეს ერთი მხარის მიერ ცალმხრივად:

12.2.ა. თუ მეორე მხარე, დამატებით ვადაშიც, არ ასრულებს ან არსებითად არღვევს ხელშეკრულებით ნაკისრ ვალდებულებას.

12.2.ბ. სამოქალაქო კოდექსის 398-ე მუხლით გათვალისწინებული გარემოებების დადგომისას, როცა მეორე მხარე უარს ამბობს ხელშეკრულების მისადაგებას შეცვლილ გარემოებებთან, ან შეუძლებელია შეცვლილ გარემოებებთან ხელშეკრულების მისადაგება. სამოქალაქო კოდექსის 398-ე მუხლით გათვალისწინებული გარემოებების გამო ხელშეკრულების შეწყვეტისას შემსყიდველმა ორგანიზაციამ უნდა აუნაზღაუროს მიმწოდებელს აღნიშნულ გარემოებებამდე წინამდებარე ხელშეკრულების ფარგლებში შემსყიდველი ორგანიზაციისათვის განხორციელებული მიწოდება.

12.2.გ. თუ მის მიერ ხელშეკრულებით გათვალისწინებული ვალდებულებების შესრულება შეუძლებელია ფორს-მაჟორული გარემოებების გამო ან თუ მის მიერ ხელშეკრულებით გათვალისწინებული ვალდებულების შესრულება ფორს-მაჟორული გარემოებების გამო შეუძლებელია დროებით და მეორე მხარე უარს ამბობს ვალდებულების შესრულების ვადის გაგრძელებაზე შესაბამისი ხანგრძლივობით. ფორს-მაჟორული გარემოებების გამო შესყიდვის ობიექტის მიწოდების შეუძლებლობის გამო ხელშეკრულების შეწყვეტისას მიმწოდებელს უნდა აუნაზღაუროდეს ფორს-მაჟორული გარემოებების დადგომამდე წინამდებარე ხელშეკრულების ფარგლებში, შემსყიდველი ორგანიზაციისათვის განხორციელებული მიწოდება.

XIII. დავა და მისი გადაწყვეტის წესი

13.1. წამოჭრილი დავა ან აზრთა სხვადასხვაობა შესაძლებელია გადაწყდეს ორივე მხარის ერთობლივი მოლაპარაკების საფუძველზე.

13.2. თუ შემსყიდველი ორგანიზაცია და მიმწოდებელი მოლაპარაკებების დაწყებიდან 15 (თხუთმეტი) დღის განმავლობაში ვერ შეძლებენ შეთანხმების საფუძველზე გადაწყვეტონ დავა, მაშინ ნებისმიერ მხარეს შეუძლია მიმართოს სასამართლოს მოქმედი კანონმდებლობით დადგენილი წესით.

XIV. სხვა პირობები

14.1. ამ ხელშეკრულებით გათვალისწინებული პირობები რეგულირდება საქართველოს მოქმედი კანონმდებლობით.

14.2. არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.

14.3. მესამე პირთან ურთიერთობაში მხარეები მოქმედებენ თავიანთი სახელით, ხარჯებითა და რისკით.

14.4. ხელშეკრულება შედგენილია ქართულ ენაზე ორ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმომწერ მხარეებთან. ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

***XV. მხარეთა იურიდიული მისამართები და რეკვიზიტები, მხარეების წარმომადგენელთა
ხელმოწერები, ბეჭედი***

შემსყიდველი ორგანიზაცია:

საჯარო რეესტრის ეროვნული სააგენტო

უფლებამოსილი წარმომადგენლის სახელი და გვარი: ლაშა მერაბიშვილი

მისამართი: ქ.თბილისი, წმინდა ნიკოლოზის/ნ. ჩხეიძის ქ.№2

საბანკო რეკვიზიტები: ს.ს. „საქართველოს ბანკის“ ცენტრალური ფილიალი, ა/ა №008609114,
ბ/კ №220101502, ს/კ №202238621

შესყიდვების სამსახურის უფროსი

ლ. მერაბიშვილი

მიმწოდებელი:

„“

უფლებამოსილი წარმომადგენლის სახელი და გვარი:

მისამართი:

საბანკო რეკვიზიტები: სს „ბანკი“, ა/ა №, ბ/კ №ს/კ

აფიდავიტი

სატენდერო წინადადების დამოუკიდებლად განსაზღვრის თაობაზე

გამოცხადებულ ტენდერში მონაწილეობის მიღების მიზნით, ვადასტურებ, რომ ჩემს მიერ წარმოდგენილი სატენდერო წინადადება შემუშავებულია კონკურენტისგან დამოუკიდებლად. ასევე ვადასტურებ, რომ:

- * ჩემთვის ცნობილია, რომ სატენდერო წინადადება დისკვალიფიცირებულ იქნება, თუ აღმოჩნდა, რომ აფიდავიტში მოცემული ინფორმაცია არის ყალბი ან/და ცრუ;
- * უფლებამოსილი ვარ პრეტენდენტის მიერ, ხელი მოვწერე ამ აფიდავიტს და წარვადგინე ეს სატენდერო წინადადება;
- * ნებისმიერ პირი, რომლის ხელმოწერაც დაფიქსირებულია სატენდერო წინადადებაზე, შესაბამისად უფლებამოსილია პრეტენდენტის მიერ;
- * ჩემთვის ცნობილია რომ ტერმინი "კონკურენტი" აფიდავიტის მიზნებიდან გამომდინარე, გულისხმობს ნებისმიერ პირს, რომელიც შესაძლებელია იყოს პრეტენდენტი ან/და წარადგინოს სატენდერო წინადადება ამ ტენდერში;
- * მატერიალური გამორჩენის ან უპირატესობის მიღების მიზნით პრეტენდენტსა და კონკურენტს შორის არ წარმოებულია კონსულტაცია, კომუნიკაცია, შეთანხმება ან მოლაპარაკება შემდეგ საკითხებთან დაკავშირებით:
 - სატენდერო წინადადების ფასი;
 - სატენდერო წინადადების ფასის გამოთვლის მეთოდი, კოეფიციენტი ან ფორმულა;
 - სატენდერო წინადადების წარდგენა ან წარდგენისგან თავის შეკავება;
 - ისეთი სატენდერო წინადადების განზრახ წარდგენა, რომელიც არ აკმაყოფილებს გამოცხადებული ტენდერის პირობებს;
 - შესყიდვის ობიექტის ხარისხი, მოცულობა, ტექნიკური პირობები ან მინოდების დეტალები, რომელთაც ეხება სატენდერო წინადადება;
- * სატენდერო წინადადების პირობები პრეტენდენტს წინასწარი განზრახვით, პირდაპირ ან არაპირდაპირ, არ გაუმჟღავნებია ან/და არ გაუმჟღავნებს კონკურენტს სატენდერო წინადადების განსაზღვრის მომენტამდე.

გავეცანი ამ აფიდავიტის შინაარსს და ვადასტურებ წარმოდგენილი ინფორმაციის უტყუარობას.

სახელმწიფო შესყიდვების მიზნებისთვის, აფიდავიტი წარმოადგენს სატენდერო წინადადების დამოუკიდებლად განსაზღვრის თაობაზე წერილობით დოკუმენტს, რომლის ხელმოწერა, პრეტენდენტის სახელით, ადასტურებს დოკუმენტში მითითებული ინფორმაციისა და გარემოებების უტყუარობას და საქართველოს კანონმდებლობით დადგენილი წესით პასუხს აგებს აღნიშნული ინფორმაციისა და გარემოებების უტყუარობაზე. აფიდავიტით განსაზღვრული პირობების დარღვევა იწვევს სისხლის-სამართლებრივ პასუხისმგებლობას საქართველოს სისხლის სამართლის კოდექსის 195¹ მუხლის შესაბამისად.

